



36





J. III. 36.
a-b

43

DIE VII. IULII.
IN FESTO
S. MARGARITÆ
SCOTORVM REGINÆ,
Semiduplex ad libitum.

ORATIO.

Deus, qui Beatam Margaritham Scotorū Reginam eximia in pauperes Charitate mirabilem effecisti, da ut eius intercessione & exemplo tua in cordibus nostris charitas iugiter augeatur. Per Dominum.

In primo Nocturno, Lectiones de scriptura occurrente.

*In secundo Nocturno
Lectio 14.*

Margarita Scotorum Regina paterno Angliæ Regum, materno Cæsarum sanguine clarissima, illustrior adhuc fuit christiana virtute. Hæc in Hungaria nata, ubi Pater tunc temporis exulabat, post exactam summa cum pietate puerilem ætatem, unā cum genitore, qui à sancto Eduino patruo Anglo-

rum Rege ad paterni Regni fastigium vocabatur in Angliam venit: Mox alternante Parentum fortuna, ex Angliæ littore soluens vi tempestatis expulsa, seu verius diuinæ Providentiæ consilio deducta est in oram maritimam Scotiæ. Ibi cum ex Matris imperio Malcholmo tertio Scotorum Regi egregijs eius dotibus capto nupsisset, sanctimonix ac pietatis operibus triginta quibus regnavit annis toti Regno mirifice profuit.

R. Propter veritatem, & mansuetudinem, & iustitiam: Et deducet te mirabiliter dextera tua.

V. Specie tua, & pulchritudine tua, intende, prospere procede, & regna. Et deducet. *Lectio 15.*

Inter regales delicias corpus afflictationibus ac vigilijs

ac vigilijs macerans magnam noctis partem pijs precationibus extrahebat. Præter alia ieiunia, quæ identidem vsurpabat, integros quadraginta dies ante natalitia festa tanta cum seueritate ieiunare consuevit vt ne in grauissimis quidē doloribus intermiserit. Diuino cultui addictissima, templa plurima, & Cœnobicia partim ex integro excitauit, partim resarciuit, & sacra suppellectili, ac largo censu ditauit, Regem coniugem ad meliorem frugem, & ad similia suis exercitationibus opera saluberrimo exemplo traduxit, liberosq; omnes tam sanctè, & foeliciter educauit, vt eorum plerique quemadmodum & Agatha mater, & Christiana soror sanctissimum vitæ genus amplexi sint. Vniuersi demum Regni foelicitati consulens à vitijs omnibus, quæ furtim irrepserant, populo expurgauit, eisque mores Christiana pietate dignos restituit,

R. Dilexisti iustitiam, & odisti iniquitatem: Propterea vnxit te Deus, Deus tuus oleo lætitiæ.
Y. Propter veritatem, & mansuetudinem, & iustitiam. Propterea.

Letitio Gij.

Nihil tamen æquè in illa mirabile fuit, ac flagrantissima Charitas erga proximos, præsertim egenos, quorum numerolis gregib⁹ non modò stipem affatim suppeditare; verùm etiam trecentis quotidie materna benignitate dapes præbere, flexis genibus in morem ancillæ ministrare, regijs manibus pedes abluere, & pressis etiam osculis vlcera fouere solemne habuit. His porro, aliisque pijs sumptibus non regias tantùm vestes, & pretiosa monilia distraxit, sed ipsum non semel exhaustit ærarium. Toleratis demum ad patientiæ miraculum acerbissimis doloribus animam semestri corporis agrotatione purgatâ, Augusto suo quarto Idus Iu-

In Feflo S. Margarita Sctorum Regina.

illi reddidit. Quo tem-
poris momēto facies eius
diuturni morbi macie, ac
pallore fœdata, insolita
quadam venustate reflo-
ruit. Miris etiam post
mortem prodigijs clara,
& Clementis decimi au-
thoritate in Scotiæ Patro-
nam accepta, vbique ter-
rarum religiosissimè colit-
tur. Cuius festum ab eo-
dem Pontifice concessum
Innocentius vndecimus
ad octauo Idus Iulij trās-
ferri iussit.

R. Fallax gratia, & vana
est pulchritudo: Mulier
timens Deum, ipsa lau-
dabitur. V. Date ei de
fructu manuum suarum,
& laudent eam in portis
opera eius. Mulier. Glo-
ria Patri &c. Mulier.

In tertio Nocturno. Hom.
S. Gregorij Papæ, in Evan-
gelium. Thesauro abscon-
dito. Et in eodem Cōmun.

Missæ. Cognoui. de
Communi nec Virginis, nec
martyris. Prima Oratio,
Et supra.

VRBIS ET ORBIS.

Cum Sacra Rituum Congregatio habita die 22. Ianua-
rii 1678. sic etiam annuente Sanctissimo die 9. Fe-
bruarii eiusdem anni censuerit; Festum Sanctæ Mar-
ritæ Reginæ Sctorum cum officio, & Missæ semiduplici
ad libitum de Communi nec Virginis nec Martyris ex
concessione Apostolica in Ecclesia Vniuersali hætenus
celebratum die 10. Iunii, impofterum transferendum,
& celebrandum esse singulis annis die 8. Iulij iussu de
causis, Et successivè eadem Sacra Congregatio sub die 12
Martij 1778. suprascriptas Orationes, & Lectiones pro-
prias Secūdi Nocturni recitandas, die 8. Iulij Festo San-
ctæ Margaritæ cum suo Officio diligenter reuistas, & re-
latas per Eminenss: D. Card. de Norfolcia approbaverit
pro Regnis Magna Britannia tantum, easque recitari ac
imprimi posse concesserit. Nunc verò eadem Sacra Cō-
gregatio ad relationem, eiusdem Eminenss: de Norfolcia
consu-


46.
In Feste S. Margarita Scotorum Regina.
censuit posse extendi recitationem pradietarum Lectio-
num cum Oratione & supra approbatarum ad Eccle-
siam Vniuersalem recitan. ab omnibus &riusque sexus
tam secularibus, quam Regularibus, qui ad Horas Ca-
nonicas tenentur, si Sanctiss: D. N. Iesum fuerit, Die 21
Ianuarij. 1678.

Et facta de pradietis Sanctissimo relatione Sanctitas
sua annuit die prima Februarij 1679:

Cæsar Card. Fachenettus

Locus + Sigilli.

Bernardinus Casalius Sac: Rit: Congr. Secr.



3969

16

11. *Enthusiasm*

